

太平寰宇記

二

中國古代地理總志叢刊



中國古代地理總志叢刊

太平寰宇記

〔宋〕樂史撰
王文楚等點校

中華書局

太平寰宇記卷之二十五

關西道一

雍州一

雍州，京兆郡。今理長安、萬年二縣。禹貢雍州之域，舜置十二牧，雍其一也。周武王都豐、鎬，平王東遷，以岐、豐之地賜秦襄公，至孝公始都咸陽。秦兼天下，置內史以領關中。項籍滅秦，分其地爲三：以章邯爲雍王，都廢丘；今興平縣。司馬欣爲塞王，都櫟陽；今櫟陽縣。董翳爲翟王，都高奴，今延州金明縣。謂之三秦。高祖入關，定三秦，復并爲內史。景帝分置左、右內史。武帝太初元年改左內史爲京兆尹、左馮翊；右內史爲右扶風，（二）謂之三輔，其理俱在長安城中，又置司隸校尉以總之。光武都洛陽，以關中地置雍州，尋復立三輔。魏分河西爲涼州，分隴右爲秦州，三輔仍舊屬司隸。晉初省司隸，復置雍州。愍帝後，劉聰、石勒、苻健、姚萇相繼竊據之，萇孫泓爲劉裕所滅。東晉復置雍州及京兆郡，尋爲赫連

勃勃所破，遣子瓚鎮長安，〔三〕號曰南臺。後魏太武破赫連昌，復于長安置雍州。孝武自洛陽遷都長安，改爲京兆尹。隋開皇三年自長安故城遷都龍首川，廢京兆尹，又置雍州。煬帝改爲京兆郡，領大興、長安、新豐、渭南、鄭、華陰、藍田、鄠、盩厔。〔一〕始平、武功、上宜、醴泉、涇陽、雲陽、三原、宜君、同官、華原、富平、萬年、高陵二十二縣。唐武德元年改爲雍州，改大興縣爲萬年，萬年縣爲櫟陽，分櫟陽置平陵，以渭南縣屬華州，分醴泉置溫秀縣，分雲陽置石門縣；二年分萬年置芷陽縣，分藍田置白鹿縣，分涇陽、始平置咸陽縣，分高陵置鹿苑縣，改平陵爲粟邑縣，分醴泉置好時縣，分盩厔置終南縣；三年改白鹿爲寧人縣，分藍田置玉山縣，分始平置扶風縣。仍分武功、好時、盩厔、扶風四縣置稷州，分溫秀、石門二縣置泉州；四年改三原爲池陽；五年復以華州之渭南來屬；六年改池陽爲華池縣；七年廢芷陽入萬年縣。貞觀元年廢鹿苑入高陵縣，廢寧人、玉山入藍田縣，改雲陽爲池陽縣，改華池爲三原縣，又廢稷州，以武功、好時、盩厔三縣來屬；八年廢粟邑入櫟陽縣，廢終南入盩厔縣，廢雲陽入池陽縣，仍以池陽爲雲陽縣，廢上宜入岐州之岐陽縣；十七年罷宜州，以華原、同官二縣來屬；二十年又置宜君縣。永徽二年廢宜君縣。總章元年置乾封、明堂二縣。〔四〕咸亨二年置美原縣。〔五〕文明元年置奉天縣。天授元年改雍州爲京兆郡，其年復舊；二年分始平、武功、奉天、盩厔、好時等縣復置稷州，雲陽、涇陽、醴泉、三

原、富平、美原等縣置宜州。大足元年罷，以鴻、宜、鼎、稷四州依舊爲縣，以始平等十七縣還隸雍州。長安二年廢乾封、明堂二縣。景龍三年以邠州之永壽、商州之安業二縣來屬。景雲元年復以永壽屬邠州，安業隸商州。開元元年改雍州爲京兆府，復隋舊名；四年改同州蒲城縣爲奉先縣，仍隸京兆府。天寶元年以京師爲西京；七載仍置真符縣，十一載廢。朱梁開平元年都汴，改此爲佑國軍，府爲大安府；二年改爲永平軍。後唐同光初復爲西京京兆府。晉天福中改爲晉昌軍。漢乾祐初改爲永興軍，其京兆府仍舊。皇朝因之。謹按：漢五年，高祖在洛陽，婁敬說曰：「陛下都洛陽，豈欲與周室比隆哉？周之都洛，以爲此天下中，丁仲切。四方納貢職，道理鈞，有德則易以王，無德則易以亡。凡居此者，欲令務以德致人，不欲阻險，令後世驕奢也。今陛下欲比隆成、康之時，爲不侔矣。且秦地被山帶河，四塞以爲固，卒然有急，百萬之衆可具。因秦之故，資甚美膏腴之地，此所謂天府。陛下入關而都之，山東雖亂，秦故地可全而有也。夫與人鬪，不搯其亢而拊其背，未能全勝。今陛下入關而都，按秦之故，〔六〕此亦搯天下之亢而拊其背也。』高祖問羣臣，羣臣皆山東人，爭言周王數百年，秦二世而亡，不如都周。高祖疑未決。及留侯明言入關便，即日駕西都關中；六年擒韓信，田肯賀高祖曰：「甚善，陛下得韓信，又治秦中。秦，形勝之國，帶河阻山，持戟百萬，秦得百二焉。地勢便利，其以下兵于諸侯，譬猶居高屋之上建瓴水也。」

自漢至唐，常爲王者輿區。

元領縣二十四。今十三：萬年，長安，鄠縣，藍田，咸陽，醴泉，涇陽，櫟陽，高陵，興平，昭應，武功，乾祐。十一縣割出：華原，富平，三原，雲陽，同官，美原，已上六縣屬耀州。奉天，好時，已上二縣屬乾州。奉先，入同州。渭南，入華州。蓋屋，入鳳翔。

州境：東西三百一十里。南北四百七十里。

四至八到：東至東京一千二百七十里。東至西京八百五十里。東至華州一百八十里。東南至商州二百六十里。南取庫谷路至金州六百八十里。西南至洋州六百四十里。正西微北至鳳翔府三百一十里。西北至邠州三百里。北至坊州三百五十里。正東微北至同州二百五十里。

戶：唐開元領縣二十三，戶三十六萬二千九百九。皇朝領縣十三，戶主三萬四千四百五十，客二萬六千二百七十六。

風俗：秦有四塞之固，漢高納劉敬之言都之，因徙齊諸田，楚昭、屈、景、燕、趙、韓、魏之後，豪族名家于關中，強本弱末以制天下，自是每因諸帝山陵，則遷戶立縣，率以爲常，故五方錯雜，風俗不一。漢朝京輔稱爲難理。

姓氏：京兆郡八姓：韋、杜、扶、段、宋、田、黎、金。武功郡二姓：蘇、韓。始平郡四

姓：馮、龐、陰、宣。（七）

人物：魏尚，興平人，拜雲中守。（八）

蘇武，京兆人。

田千秋，咸陽人。拜相，封富民

侯。（九）袁盎，高陵人。（一〇）

張安世，字子孺，杜陵人。擢尚書令，封富平侯。父湯，子孫七葉官侍中、

諸曹散騎者數十人。（一一）

云敞，字幼孺，平陵人。游吳章門下。（一二）

張仲蔚，平陵人。博學，善詞賦。

杜門自養，蓬蒿沒三徑。（一三）

史丹，本魯人，徙居杜陵。成帝時爲左將軍、武陽侯。（一四）子男女二十人，九男爲

侍中諸曹，親近在左右。史氏凡四人侯，至卿大夫二千石者十餘人。

楊政，字子行，京兆人。從范升受易。諺

曰：「說經鏗鏗楊子行。」（一五）

陳遵，字孟公，杜陵人。爲嘉威侯。嗜酒，每飲賓客，閉門，取客車轆投井中。

龍述，字伯高，京兆人。馬援戒子曰：「伯高敦厚清謹，口無擇言，願汝曹效之也。」（一六）

第五倫，字伯魚，

京兆長陵人。歷會稽、蜀郡太守，以清節著，擢司空。（一七）

宋弘，字仲子，長安人。帝姊湖陽公主寡，意屬弘。一

日引見，帝令主坐屏風後，謂弘曰：「貴易交，富易妻，人情乎？」弘曰：「貧賤之交不可忘，糟糠之妻不下堂。」帝顧主

曰：「事弗諧矣。」官大司空，封宣平侯。所入租俸，悉分贍九族。（一八）

杜篤，平陵人。大司馬吳漢卒，光武詔諸

儒作誄，篤於獄中具草上，帝奇之，得釋。（一九）

張千秋，安世長子，與霍光子禹並爲中郎將，擊烏桓。

韓

康，字伯休，霸陵人。隱姓名賣藥長安，不貳價。一女子曰：「是韓伯休耶？」遂遞入山中。桓帝以安車聘康，康伴諾，

自乘柴車先行，亭長方修道，見康柴車，不知爲韓徵君，奪其牛，因中路逸去。（二〇）

寶武，字游平，茂陵人，融耳

孫。李、杜坐黨事瀕死，武抗疏出之，拜大將軍，與太傅陳蕃謀誅宦侍，曹節等矯詔殺武。

郭林宗哭之，曰：「人之云亡，

邦國珍瘁。〔三二〕

梁鴻，字伯鸞，平陵人。家貧力學，有清節。孟光慕而歸之，乃共入吳，寓伯通廡下。光每饋食，

舉案齊眉。

馬援，字文淵，茂陵人。拜伏波將軍，平交趾，封新息侯。〔三三〕

郭伋，字細侯，茂陵人。歷

漁陽、潁川、并州太守，有善政。〔三四〕

魯恭，字仲康，平陵人。爲中牟令，有三異：蝗不犯境；化及鳥獸；童子有

仁心。累官司徒。〔三五〕

蘇純，字桓公，平陵人。性高潔，擊匈奴有功，封中陵侯。〔三六〕

蘇章，字孺文，純

孫。博學，舉賢良。〔三七〕

韋誕，字仲將，京兆人。少與兄康齊名。孔融遺康父書曰：「不意雙珠，近出老

蛤。〔三八〕

脂習，字元升，京兆人。少與孔融善，融被誅，莫敢收者，習獨往哭之。〔三九〕

杜預，字元凱，杜陵

人。博學，號杜武庫。平吳功，進爵當陽侯。〔四〇〕

韋叡，字敬遠，杜陵人。文帝高其風節，賜號道遙公，勅有司日

給河東酒一升。〔四一〕

唐杜如晦，京兆萬年人。爲相。

顏師古，雍州萬年人，齊黃門侍郎之推孫。爲

唐弘文館學士。

閻立本，萬年人。官中書令。〔四二〕

杜黃裳，長安人。入參大政，李師古嚴憚之。〔四三〕

韓思復，長安人。遷襄州刺史，治行名天下。及卒，上手題其碑曰：「唐忠孝韓長山之墓。」

李泌，長安

人。拜相，封鄴侯。

杜佑，萬年人。以太傅致仕，封岐國公。

李勉，京兆人，德宗朝拜相。

綬，萬年人。翰林學士。

柳公權，華原人。

姚

思廉，雍州萬年人。爲隋代王侍讀。唐師至，思廉曰：「唐公舉義，卿等不宜無禮。」衆服其義，人謂之「忠烈之士」。

蘇世長，武功人。周武帝時，世長十餘歲，上書言事。唐初拜諫議大夫，諫高祖畋獵。子良嗣，相則天。

樂彥璋，雍州長安人。相則天。〔四四〕

李昭德，長安人。王慶之請立武承嗣爲皇太子，昭德便杖殺之。

韋安石，萬年人。陸元方謂之「真宰相」。子陟，斌，俱宦達。

見素，京兆萬年人。

蘇瓌，京兆武功人。子頌爲相。

人。爲相。

崔沔，長安人。中書侍郎。子祐甫爲相。

韋處厚。京兆人。爲相。

安金藏，長安人。剖腹明睿宗不反。

韓休，長安人。爲相。

第五琦，長安

牛僧孺，自隋以來，世居長安下杜樊鄉。

土產：隔紗，地骨皮，韃氈，粲席，酸棗仁，已上貢。葛粉，藕粉，紫稗粟。

萬年縣，在宣陽坊。四十五鄉六十坊，今七鄉。

本漢舊縣也，屬左馮翊，在今櫟陽縣東北二十五

里櫟陽故城是也。〔五〕周地圖記云：「後周明帝二年分長安、霸城及姚興所置山北三縣地，

始于長安城中置萬年縣，理八角街已東，屬京兆尹，取漢舊縣名也。」天和三年廢山北縣，建

德二年又省霸城、杜城二縣，以三縣地併入萬年。隋開皇三年遷都于龍首川，改萬年爲大

興縣，屬雍州，仍移于宣陽坊東南隅，蓋取文帝初封國號以名城及縣也。唐武德元年九月

改大興爲萬年縣，至總章元年析置明堂縣，理永樂坊。至長安二年六月廢明堂縣，復入萬

年縣。天寶七年改爲咸寧縣，乾元元年復爲萬年縣。按縣門樓，即宇文愷所造。高宗末，

太平公主出降薛紹，于此縣納婚席。初以縣門隘窄，衆欲毀之。高宗勅云：「萬年縣門屋，

宇文愷所建造，制作多奇，不得毀折，仍以別地開之可也。」梁開平元年改爲大年縣。後唐

同光元年復舊名。

終南山，在縣南五十里。禹貢：「終南、惇物，至于鳥鼠。」孔安國注：「三山名，言相望也。」詩云：「終南何有？有條有梅。」毛注云：「周之名山終南也。」左傳：「荆山、終南，九州之險也。」杜注云：「終南在始平、武功縣南。」皇甫謐高士傳曰：「秦有東園公、夏黃公、綺里季、角里先生，時呼爲「四皓」，共入商洛，隱地肺山，以待天下定。及秦敗，漢高祖重其節，四人乃深自匿終南山，不能屈之。」漢東方朔傳：「夫南山，天下之阻也。其山出玉石、金、銀、銅、鐵、豫章、檀、栢，異類之物，不可勝原，此百工所取給，萬民所仰足也。」

子午谷。風土記：「王莽以皇后有子，通子午道，從杜陵直抵終南山。」〔三六〕

硯山福地。遁甲開山圖曰：「驪山之西，川中有阜曰風涼原，亦雍州之福地。」即此水有二源，西川水出硯山之研盤谷是也。

畢原，在縣西南二十八里。詩謂：「終南何有？有紀有堂。」堂，畢道平如堂也。畢，終南山之道名。成王葬周公于畢是也。

白鹿原，在縣東二十里。亦謂之霸上，即漢文帝陵也。王仲宣詩：「南登霸陵岸，回首望長安。」即此也。

長樂坡，在縣東北十三里，〔三七〕即滻川之西岸也，舊名滻坂，隋文帝惡有「反」字，改爲

長樂坡焉。更始墓在此坡。

少陵原。即漢鴻固原也，宣帝許后葬于此。

高望堆。潘岳西征賦云「憑高望之陽隈」是也。

神皋。張平子西京賦云：「奧區神皋。」

金城。漢書曰：「關中金城千里，天府之國。」

霸岸，在通化門東三十里。秦襄王葬于其坂，謂之霸上。其城即秦繆公所築，漢爲縣，在今縣東北二十三里。霸水東霸陵故城是也，東南至文帝陵十里。晉改爲霸城，宇文周建德二年省，即此城也。又魏明帝徙秦鑄金人至此，重不可勝，留之霸城。荀子訓與一老翁以手摩銅人曰：「適見鑄此已近五百年矣！」

南陵，漢爲縣，在縣東南二十四里白鹿原上，後漢省。漢舊儀云：「即文帝薄太后葬之所，亦謂南霸陵，因置縣以奉陵寢。」

杜陵，漢縣，在今縣東十五里。漢志注云：「古杜伯國也。」又墨子云：「周宣王殺其臣杜伯。」漢宣帝以杜東原上爲初陵，更名杜縣爲杜陵。後魏改爲杜城縣，周建德二年省。

金塢，在縣北苑內。

漢文帝廟，在金塢北大道南。

樊川，一名後寬川，在縣南三十五里。其地即杜陵之樊鄉，漢高至櫟陽，以將軍樊噲灌廢丘功最，賜噲食邑于此，故曰樊川。

洛女陂，在縣東十五里。〔三八〕三輔舊事云：「洛女冢南有洛陂，俗號曰洛女陂。」

豐潤陂，在縣東北二十五里。周太祖名爲中都陂，隋初爲豐潤陂。周迴六里。

皇子陂，在啟夏門南三十里。〔三九〕陂北原上有秦皇子冢，因以名之，隋文改爲永安陂。周迴九里。

御宿川，在縣南三十七里。漢武帝爲離宮別館，禁禦人不得往來遊觀，止宿其中，故曰御宿川。

軹道，秦王子嬰素車白馬迎沛公處，今在東都通化門東北十六里。漢時有白蛾飛自東都門，經軹道入苑內。

渭水，北去縣五十里。西自長安縣界流入，霸水注之。

霸水，東去縣二十一里。

澧水，荆溪、狗枷川二水之下流也。封禪書：「秦都咸陽，霸、澧、長水、灃、潏、涇，皆非大川，〔四〇〕以近咸陽，盡得祠之。」

沈水。說文曰：「潏水出杜陵。」^{〔四〕}今名沈水，自南山皇子陂西北流入。

福水，即交水也。上承樊川、御宿諸水，出縣南山石壁谷南三十里，與直谷水合，即子午谷水。

芙蓉園，隋文帝之離宮也，在敦化坊南。周迴七十里，即廟院，^{〔五〕}東坡下中有涼堂，堂東臨水亭，即曲江也。司馬相如弔胡亥云：「臨曲江之隈州。」

樂遊廟，即漢宣帝立廟于曲江之北，號曰樂遊原，在昇平坊。

太極殿。戴延之西征記云：「符秦築宮于長安城東，^{〔六〕}中有太極殿，殿上有金井焉。」

秦獸圈，在通化門東二十五里。列士傳云：「^{〔七〕}秦王召魏公子無忌，不行，使朱亥敬奉璧一雙詣秦。秦王怒，使置亥獸圈中。亥瞋目視獸，皆血濺于獸面，獸不敢動。」即此。亦漢文問上林尉及馮媛當熊，皆此處。

青綺門，在城東南面。即東陵侯邵平，秦末爲布衣，種瓜于此門。

廢明堂縣廨，在永樂坊。總章元年分萬年縣置。其廨地本越王侑宅，置縣後，縣北有古冢十數，每夜見冢上數人，衣冠甚偉，似是貴者，來入廨內，縣令元遜、于大猷相繼卒官，後縣令于他視事。長安二年廢，還入萬年縣。後以其廨地賜于駙馬裴巽，以至毀折

盡矣。

橫橋。三輔舊事云：「秦造橫橋，漢承秦制，橋廣六丈，南北三百八十步，置都水令以掌之，號爲石柱橋，橋南屬京兆，以北屬扶風。」

宣平門，長安南門也。^{〔四〕}潘岳西征賦云「踐宣平之清闕」是此。故庾子山云「望宣平之貴里」，言貴戚之里也。

張安世冢，在明德門南八里，俗呼爲張車騎冢。

馬冢，滕公夏侯嬰冢也，東臨霸水。滕公乘馬至此，馬踣地悲鳴，因掘地得石槨，銘曰：「佳城鬱鬱，三千年見白日，吁嗟！滕公居此室。」公曰：「天也，吾死即安此乎！」冢在飲馬橋南，故時人謂之馬冢。

霍光冢，在茂、平二陵間。霍光葬，詔賜黃腸，即柏木心也。今人耕田時得柏木如壑形，謂之柏壑。

漢宣帝廟，在縣東南本陵北，去縣十里。

漢文帝廟，在縣東本陵北，去縣二十五里。

漢光武廟，在縣東南勾家嘴，去縣四十里。

四皓廟，在縣南終南山下，去縣五十里。

薄后陵，在縣東南白鹿原上。

杜如晦墓，在縣南三十里大趙村。

顏師古墓，在縣南二十里三趙村。

元載墓，在縣南三十里大楊村。

邴吉墓，在縣南二十里三趙村。

渾瑊墓，在縣西南十五里西李村。

王珪墓，在縣南四十五里。

長安縣，在長壽坊。舊五十九鄉六十坊，今六鄉。縣即秦之地，〔四六〕漢高祖五年置。周文王作酆，今縣西北靈臺鄉豐水上游是也。武王理鎬，今昆明池北鎬池是也。至秦爲縣，始皇弟成蟜封爲長安君，即此。楚懷王封項羽爲長安侯，盧綰亦封之，屬京兆尹。莽曰常安。潘岳關中記云：「長安地皆黑壤，赤城，今赤如火，〔四七〕堅如石。父老所傳云，鑿龍首山土以爲城。〔四八〕」按賈耽郡國縣道記云：「長安縣故城，今謂之苑城。漢京兆府在故城內上冠里，其縣理今失其所在。」長安，蓋古鄉聚名，在渭水南，隔渭水，北對秦咸陽宮。漢于其地築未央宮，謂大城曰長安城。〔四九〕五年置縣，以長安名焉。歷後漢、魏、晉、苻、姚、後魏及周不改。隋開皇三年遷都，移于長壽坊西南隅。唐總章元年分置乾封縣，理懷直坊。〔五〇〕長安

二年廢乾封縣，^{〔五〕}以地復歸長安縣。梁開平元年改爲大安縣。後唐同光三年復舊名。

左馮翊，故秦內史職也。漢高二年更名河上郡，^{〔五〕}九年罷郡，復爲內史。景帝二年又分置左內史。^{〔五〕}武帝太初元年改名左馮翊，領縣二十四，所理在故城長安城內太上皇廟西南，失其所在。

右扶風，即秦內史職也。漢高二年改爲中地郡，^{〔五〕}九年罷，復爲內史。武帝建元六年分爲右內史。太初元年更名主爵都尉爲右扶風，治內史右地，領縣二十一，初理在長安故城。三輔黃圖云：「在夕陰街北。」後漢移理槐里，其槐里一名犬丘城。周衰，懿王自鎬遷都之。秦更名廢丘，章邯爲雍王守此城。漢高二年，章邯自殺，漢收其地改爲槐里。

龍首山，在縣北十里。長六十里，頭入渭水，尾達樊川。秦時有黑龍從南山出飲渭水，其行道因成土山。疏山爲臺殿，不假版築，高出長安城。西京賦所云「疏龍首以抗殿」也。三輔黃圖云：「營未央宮，因龍首制前殿。」

細柳原，在縣西南三十三里。別是一細柳，非亞夫屯軍之所。

南山，即四皓所隱。尚書謂「終南、惇物，至于鳥鼠」，言三山可相望也。餘已解在上。

武將山。按長安記云：「長安城西北有武將山，即前漢末辛孟所隱處。」

高陽原，〔五〕渭水西自鄠縣界流入。漢武建元三年造便門橋以跨之，斯灋池之別名也。詩云「灋池北流」是也。

渭橋石人。水經注云：「秦始皇造渭橋，鐵鍛重不能勝，故刻石作力士孟賁等像祭之，鍛乃可動。」今石人猶在邑界。

灋水，〔六〕亦謂聖女泉，又曰高都水，源出縣西北，合渭水。詩所謂「灋池北流」是也。故漢百姓歌云：「五侯初起，曲陽最怒，壞決高都，連竟外杜。」即此水也。

漕水，即沈水也，東自萬年縣界流入，亦謂滴水，亦謂高都水。漢末王氏五侯大修池沼，引高都水入城，即此水。

野韭澤，即漢牛首池之地，在內苑西。上林賦謂「濯鵠牛首」，在豐水西北是也。

灋涘，即漢文帝陵也，〔七〕在灋水之濱，故曰灋涘。

八川。司馬相如上林賦云「蕩蕩乎八川」，謂灋、漑、涇、渭、豐、鎬、潦、滴也。

涇水，出涇谷山。左傳襄公十四年：「諸侯伐秦，濟涇而次。秦人毒涇上流，師人多死。」

竹水，俗謂之大赤水，出媚加谷。

太液池，在建章宮北，池周迴十頃，中有采菱、越女、鳴鶴之舟。〔八〕又按三輔舊事